

大谷山堂集

大谷山堂集卷五

謝山夢 麟文子

舟行將赴永濟寺

朝上石城橋揚舲及晨旭孤篷上初日欵乃寒城  
曲露集秋樹明葉下空波綠稍覺畫堞轉漸覲朝  
嵐復晴江淨遠色荒煙淡老屋沿洄近青山斜風  
散寒鷺

永濟寺

籃輿就深煙古寺入脩竹山光澄我心復此窗戶

大谷山堂集

卷五

一

綠松雨墮殘滴清響在空谷隱隱西日斜漸沒巖  
下屋坐聞幽鳥音眷此山間宿

登燕子磯曠望大江

危磯盡天地獨立悲風多落日送大江萬里明頽  
波四顧何茫茫孤鳥飛江沱川原接杳靄秋色來  
岷峨西望峨眉山奔濤胡坡陔遙思大海東萬代  
同此過來者固未已逝者將奈何我懷在古人但  
見山與河誰當識予意淚落空山阿

觀音閣

登陟興弗盡復此探窮險危構出山罅厥下凌深  
坎門檻不藉地壤木撐重广短稅插巖竇石骨坐  
雕鑿岫缺孤宇出閣矗傍崖徹或恐山骨裂重以  
鐵鎖擊鑿動閣亦動天風虛冉冉捫磴怯昏黑黝  
雲深黯黝怪禽啼一聲林木振餘慘耳目忽開豁  
長江蔽葭茨洶波蕩欲墮陰飈噓可撼始至悅無  
藉久佇咋不敢登歷慣矯捷對此趾忽斂足動蹠  
虛牖谷響吁可感未飶攬勝興頗墜羈人膽緣念  
初地遊江濤日吞瞰濤蝕山亦危况此山隙檻探

奇侈勝遊我行豈足範舒嘯徵孤悰履險誌予慊  
與諸公夜臨後湖觀水獵歌

白日已落湖氣微月出未出煙霏霏呼集官船艤  
沙嘴舉扞張罟臨遙磯舳艫銜尾六十隻卸颿靜  
聽吾指麾當風吹角眾艘動師出以律無敢違夜  
天黯黹眩昏黑以燈置船匿者稀周陸藪澤舸泛  
泛拋晷斷岸光依依繁星落水萬燈亂影無上下  
皆如緋張篷四列畫若罨尋朋緩逐圓成圍周廻  
開闔盡變態使船如馬茲庶幾須臾獵較試身手

游儵潑刺魴鯉肥小魚吐沫受以益大魚穿頸啣  
之轍見者千眾嘆奇絕觀獵於夜聞亦希使君校  
獵不在得以魚恤衆籌其饑舉盆負甕笑童稚汗  
流被面腥沾衣流連溺志古所戒樂民之樂君無  
譏但使游眺恤窮隱吾從吾好誰敢非喚集漁師  
散網罟樓頭鼓作吾當歸

六朝松石歌

銅駝夜哭東門麻金仙涕出悲恒沙青山闕盡故  
無恙但有萬古澄江霞紫筠花石旋淪喪况從典

午奔天車新林故府麗江甸妙諦祇記呼蘭奢美  
人狎客遞灰盡瓊樹不見朝朝花景陽宮井剩苔  
砌青溪晝噪官蝦蟆有眼不識張壯武誰從瓦礫  
區龍蝦瓦官故圃蔚古澤入園狂叫驚麝麕龍鱗  
剝盡山骨裂雲根不動青虬擎天風夜半墮仙粒  
虎頭袍笏香朝銜眼中大兒謝安石東山翠蓋勞  
相遮匏笙稷稷奏簷角猶爲六季芟淫哇靈氣鬱  
曲作瑩玉蘚斑駁蝕穿谿符千福醜石入汴嶽律  
此奚止十倍加擬封定許拜幾品從大夫後聊肩

差紹興元祐更陳蹟刻畫底事籠蟬紗直可雁行  
漢時栢豈惟兒輩壺中華江左衣冠幾塵土天寔  
錫汝生無涯寒潮直過名士渡玉鈎猶掛宮人斜  
蘇仙化鶴對清夜江山灑淚悲元嘉蘭成江關慟  
戎馬誰假夢筆流滂葩掃苔倚樹眷虛籟胡牀便  
擬支清淮叶人生安得如汝壽電光幾見雷停撻  
歸當蠟屐斷桃竹彈琴石畔聽琵琶

雞鳴寺

眷茲白下秋稅鞅雞鳴寺淨域臨古城坐此巖下



翠殘露滿空林鳥動時一墜層軒傍松杪寒濤寫  
平地煙影暮江辨晚日澄湖媚兀坐對青山翠羽  
數雙至

翠微亭

細逕欲五里箭栝縈所經危嶠拭孤翠林杪瞻茲  
亭竹刷青鸞尾樹墮玄鶴翎松關晝肅肅虛牖風  
泠泠地僻雞犬幽恍惚臨仙庭靜括霄爽氣遠列  
川嶽形風平一江白日沒千里青煙起估客泊天  
澹飛鴻汀慨焉慕聞寂遠色條已暝何當契初志

車蓋時此停

木末亭

秋岑帶重城雲構出修樾夜來微雨過吾懷於此  
豁晚色明遙林夕陽猶未沒渺渺空波微颯颯曾  
風發遙辨沙上舟煙際數帆歇閒聽長干鐘披襟  
坐超忽

登長干浮圖絕頂放歌

脫我薜荔之衣切雲之冠翺翔何必凌霜翰賈勇  
直上二千尺微軀逕造青雲端雲端獵獵秋風酸

欲墮不墮身蹒跚我足蹠蹠衣翩翩天乎天乎吾  
其仙彷彿來雙童乘風騎紫鸞招我遊太虛下見  
萬里之波濤千里之關山聞風元圃置眼前奔流  
東去何時還城郭良是人變遷但見秋暉日日懸  
不見昔人顏再丹王氣無復生紫巒鱗鱗萬室長  
江千下則背城一逝之洪波上則萬古不歇之飛  
煙波動煙移坐變滅瑤枝璧月歌空殘昨夜微霜  
金井闌長謠霜曉朝秋天余冠岌岌凌天關天闕  
不開天風寒七星在戶如彈丸羲和鞭日敲琅玕

中有仙人奏管絃紅羅綺組紆當筵流光何術永  
爾年願我不答空長歎道逢兩黃雀引我迴長安  
長安何許雲湯湯雲漫漫兮不可攀立而望之摧  
心肝

登清涼山絕頂展眺放歌

騎龍我昔遊平羌宦遊直過蕭丹陽送江入海半  
天下鯨魚夜吼翻枯腸獨舉紅桂歷蠻嶠敦牂秋  
駕天南檣洞庭八月湖水濶望衡九面颿隨湘夜  
吹鐵篴臥黃鶴玉衡迸落饑蛟藏君山曳屐望煙

水海門蜃氣浮坳塘青衫恨不過湓浦倒騎白鹿  
嬉廬匡滄波浩淼望不極來從卷石窺齊梁迴巒  
絕磴隱松櫟空巖琴筑敲風篁笠簷絕特俯飛鳥  
奔渾萬里荒江荒鞞紋綵繚魚尾赤天吳戲作玻  
瓈光風景不殊百感集置身空濶吁茫茫戮力王  
室支半壁山頭幕府淪滄桑卞公蛻去太傅死石  
麟壞道眠苔檜老臣無罪腹畫的華林血裹青泥  
坊跣足天子下殿走捨身不救蒼生瘡臨春猝見  
擒虎入好將金粉圖南唐結綺望仙榭菅蒯石欄

紅淚留啼妝華園曲沼不可見翠微終古摩青蒼  
角圭雁齒辨天闕新亭晚日空波涼英雄豎子盡  
黃土天半且倒崑崙觴鄂公毛髮露英爽將軍塵  
柄摧琳琅江山如此更公等作捍豈僅長城長我  
雖碑兀類病馬酒酣潑墨殊軒昂闌干醉拍動五  
嶽天地獨許詩人狂濯足或恐碎鮫室振衣聊可  
凌松岡雪泥踏遍印鴻爪騰蹴入極如康莊惶恐  
喜歡亦泡影不須扼腕零丁洋當風一笑擲盃起  
寒宵去促桓公裝

悲泥塗

北征十日吾幾頓千里泥淤土無寸舊雨未乾新  
雨落淫霖悞我吁可恨深沒腰膝淺腳踝泥中瓦  
礫礪如刃前者顛仆後叫呼所向活活添吾悶自  
晨徂昏僅五十夤夜戒途車脫鞞紅心驛南四十  
里頽雲蔽天星斗暈紆途避陷忘南北野昏不辨  
村遠近輿徒呶叫行不得我欲撻之氣屢奮撻非  
其罪人何堪麾鞭去汝跨吾駿我馬步健奴馬瘡  
健者虺隤瘡不進疾走之能汝何往吾鞭屢折足

空趁嗚呼所邁非良途驟裹驚駘同一困範不以  
道曰無材不堪駕馭誰其信驛卒告我雨四月平  
疇潦積無卑峻江北稻田誤收割雨淋稻偃恣蹂  
躪不晴十日稻生芽縱有所收穫亦僅夏蝗纔過  
秋發水吾民何術禦饑饉况聞徐州河決口淮揚  
之災不可問昨朝已截江東漕不足益以川湖運  
此時 天子正憂勞豈堪更報上江賑我行登頓  
亦何害蒼天何以慰堯舜嗚呼蒼天何以慰堯舜  
明朝攬鏡看子鬢



哀臨淮

嗚呼怪事吾不圖臨淮城上淮水趨崩濤直下城  
郭無沆漭巨澤菰與蒲七月廿日吾在途月再閱  
乃成沮洳城頭鼓棹平地如不知下有田舍廬縣  
官俟我城南隅我叩其略聲淚枯淮流欲入洪澤  
湖湖水逆淮淮倒驅夜乘厥勢來吾郭洶濤驟湧  
人叫呼夫逃子逐牽其孥坐拋屋宇羣負嶠或處  
之野踟而跌于巢則鳥山則癯皇天涕憐爾其荼  
有室而沒田而瀦細流入括倉廩儲巨流橫灌牛

羊徂官凡三夜遷厥居今之住者氓之逋北風中  
人金僕姑于野誰恤衣無襦昨計丁戶來十都倉  
穀坐沒償之銖千落萬落悲饑烏貧者富者同嗚  
嗚嗟哉不救啜與舖坐無擘畫痊爾痛願官好恤  
無母雛天實鑒此非彼辜民不堪命吁可虞中丞  
今夜來其蘇

河決行

癸酉秋九月河決銅山東小店汎麟時司試  
江南過茲壤情態目擊作是詩紀

天子紆策促使憂悴民命也

嗚呼咄咄鼓隴胡黃河之水點滴無嗚呼黃河萬里之水曷得點滴無巨防溜決南東徂乃使故道鬱塞泥沙淤宿靈虹泗濁濤激擊聲洶呼小店東不一里河身坐見馳突驪駟駟駟駒馳過河河中飛黃埃 皇帝陛下痛觸徐方災前遣大司寇旋遣大司馬賜之驛騎勿許休息連夜來屬以十從事駱驛就塗罔間風雨雷傳聞 宮中昏旦罄擘畫凡百卿士其以所獲投銅階茅檐蔀屋廛

宸慮披圖覽奏 天心日月相周迴  
徐州水衝突 物料無所求  
皇帝爰命河東之臣協濟毋逗遛  
河東大吏各各率屬來邊州  
中丞司馬尙須迅發 無羈留  
汝則知我 陛下日抱蒼生憂  
道逢老翁 哭山徑悲言  
何人爲殺黃流性老翁老翁爾不見  
廟堂吁咈 宸衷勞九年之堯  
無此聖嗚呼九年之堯無此聖  
女曹何患無性命老翁罷哭涕在頤  
挿翎數騎東南馳

重出都門行

大谷山堂集

卷五

十

行邁返旬日歛復脂我車我車何班班日暮城之  
隅雙輪逐去塵奄忽離中衢兄弟近我行相顧聊  
斯須兄馬亦踟躕弟馬亦踟躕語君勿踟躕去去  
不可俱形骸異鄉縣同氣情豈殊南山有雙禽北  
山有羣鳥何獨辭故枝感歎悲區區

兄弟相送至盧溝返

送者聯鑣旋兄弟棄我去林隙辨歸人時見一回  
顧佇立瞻長橋猶是見君處層城隔暮煙楚雨暗  
寒渡賤子一寸心長江千里霧何當爲輕塵冉冉

京華路

新城作

終風凍天地行子何時歸驚砂揚高原日夕我馬  
饑白日落大荒黯淡餘孤暉哀雁汝何適當暮徒  
旅稀驚風傷汝骨飛雪沾汝肌層冰田無梁誰復  
憐孤飛晝寒夜復長毛羽安能肥麾鞭我手僵望  
遠我目迷不如還故鄉慰此歲暮悲

瀛海道中

孤曜馳大漠四極涵蒼煙林開括遙野俯仰延長

天仲冬萬木凋落葉飛我前河朔多悲風日暮哀  
烏鳶孤蓬離其根倏忽天與泉枝葉得勿痛同氣  
情所牽哀哉春萱暉逝我不復旋隕涕晷孤鳥搖  
落誠獨憐

月下投平原

涼月白如許靜者今若何以予悵望懷識彼憂情  
多形體異疆域遠意無關河忤情眷遙影大地同  
婆娑澄輝耿遐鑒所照寧或訛殘雲曳太空宿鳥  
移高柯彌深去矣悲誰識勞者歌停鞭締幽意不

見中蹉跎

暮赴齊河作

暮節嘆鄉迥，屢客知途艱。豈必悵遐遠，嗟此行路難。時序固有終，賤子何無還。還復遠行游，際茲芳歲闌。積雪耿寒月，斷雲沉晚山。行客悵新別，居人思故顏。何當聚昆弟，日暮吾掩關。

謁岱廟

五帝鎮維秩，上公靈威仰。主者岱宗元，君闕宮朝旭。曠雷公雷，硯鬼跳躋維。空洞天靈神，叢降婁玄。



朽青燁融媪神孕育發物蒙跂動喙息足躡躡折  
甲達勾槁以丰帝曰俞汝諧汝功錫以蒼璧帝所  
鍾賜之大國邦于東蓬玄三千厥治豐厥配曰恒  
華衡嵩若侯伯子男以從惟天帝孫爵最崇青旗  
璧節其乘驄蒼蚪駕車驂維熊拘束魑魅夔魑同  
召魂歛魄抽秘封號詔遐怪奔羣兗蚩尤飛廉伺  
於墉布旗敷潤汝竭忠以活有萬弼帝躬殷麟丁  
甲營厥宮入神夜守青芙蓉帝臨嚴威肅心胸歎  
海飲漠體儷穹闔陰雪陽中建盅鏡天負地開鴻

濛博大不可以物窮天扉神咫精寸通珠旒芝蓋  
凌天風羣靈趨走同協恭但佐靈雨承尊雄歛吸  
巨浸曜日容帝居厥頂雲斷中堯羅綿現神秘蹤  
燔柴望秩于帝宏瘞以琮璧禱以瓏夜烏出水波  
沸揜澎湃大海如巨舂動蕩絕壁青乍紅天門崒  
崒車折轡糾紛松櫪石理縱白驪樞櫝嘻勿逢疲  
驢載塗策以筇嚴尊構接予惕衷陽輪照曜山忽  
彤高穹掃滌煙霏空天憐遷客車馬恩驅除蔽塞  
開其矇粉牆角門雲腫隴弗禱以獲中則冲擬薦

酒脯招僕童王程迫促禽在罾載見于廟酌惠隆  
神詔我前憐其痾前驅虎豹後逐獫周行惠我戒  
勿慵願假神力敷神工沾濡萬族休疲癰王郎健  
筆工治攻我和之若筵撞鐘鑿空出險心力忡哀  
吟自午昏不終樓頭大鼓驚瑟瑟

明堂 泰山下

錫字輯瑞士姓蕃五位式序天王尊歲二月東省  
元元靈氣望秩祭薦燔俞汝東后奉笑言維日之  
吉予泣軒乃詔班輸營之原經陽緯陰靈據坤宏

規究奇景測瞰重軒玄墀研以蹲爰省厥方皇闢  
門蚩尤息警神肅闔觚稜曜暘雲麗旛鸞旂翠旌  
風拂翻蒲牢靈鼉於哉論炎炎爛爛於噶噶震震  
肅肅愉温温爰憩天門息沸喧朱燎燭燭揚於垣  
載見辟王厥貢璠進反登降足接躡汝齊與魯皆  
世婚汝滕薛曹爲弟昆各協予治勿衆寃女慶女  
讓子女掄啟扉臨峻朝布霧激日納光肅陰昏帝  
怙厥德嚴威存命神守宇鬼四巡之而宛延飈吐  
吞枝撐高穹穿厚垠穹碑巨植陰霧繁坳堂壞壁

雲煜煜鬱何壘壘奏蒿焄肅忱攝荒營心魂恍惚  
古帝垂佩紳追溯幽漠精眊愒維王者德流勿湮  
敬聞日馭回辰春精貫溟滓靈怪奔古壁十六地  
貢琛大小平銳式擬信宛嬋蚪蚪文云云金鴉夜  
翥騰赤輪掃除霧靄披鮮新帝荅天貺神欣欣維  
東諸侯來駿奔衝牙琫戛朱履屯但敕行殿羅虎  
賁比聞欵塞降烏孫畏稜渥惠來重藩帝閱於邊  
闔澤敦雄關洞達招其羣拜跪進止頭如黿猶  
辨髮皮其禪腭反趾錯厥目暖鞠脰頓首卷肘跟

怙恩丕休澤暨昆月正元日其來紛戎夷蠻狄氏  
羌渾曷弗黜至開華園再新棖桷鴻高騫展斧陛  
戟陳蹇韃撞鐘伐鼓吹篴塤受萬邦賀羅琿琨收  
攝異類隨鸞鳩德紹 祖德恩天恩九圍式廓榮  
道根

磬陽夜大風雪歌

山風吹山山夜號雷碾霄霏奔崩濤地軸挫折鳴  
巨鼇攫擎老樹鴉雀逃夜入萬族掀蓬茅砂礫旋  
舞雪疾作鷄毛萬片如手落東鄰牆塌西叫呼夜

半搶攘聲勢惡雪片轉粗風轉急長空叫嘯坤軸  
裂倉卒眞同海水翻敲鏗時見簷瓦擲毋乃下民  
干風伯不然行者丁奇劫冬盡知無雨雹來夜昏  
疑有鬼神入雙扉翁歛塞無力僮僕凋喪婦走匿  
嬌兒顧我意惶惑擊祛呱呱傍爺泣嗟乎兒泣尙  
可休無衣之人何以活君不見銅山縣東四十里  
築堤十日工方起呼集丁壯諧汝聲下埽日僅尺  
與咫尺手僵脚凍埽不穩眼見千夫萬夫死我乞天  
神願神已此風莫入黃河水嗚呼此風莫入黃河

水

晚行沂上

古原遲落日一逕入林邱  
老樹墮殘雪孤村聞叱  
牛頗憐行客倦兼愛茅檐幽  
旦夕好眠食吾行何  
所求

沂州

杖策過沂水荒城大漠孤  
日懸霜野靜鳥入亂煙  
無獨客憐嬌女殘陽感壯夫  
咄哉看老馬與爾正  
長途



蘭山傳舍走筆和壁上用韓昌黎山石韻

馳曜墮地陽力微敲門打火鴉雀飛尖風如刀面  
如割觸之安得肌膚肥殘秋歸自大江滸袖羅珠  
貝遺者稀 帝曰女諧女復往有士弗獲如爾饑  
留卿一夕秣吾馬月乙卯日辭黃扉衝颺南下二  
千里襟沾泥漬冠縈霏岱宗偏側盡岡阜如星之  
其城之圍孳礪雖易斷車軸喜鮮浮澆來吾衣東  
西南北數年慣本無拘縛何韞鞬投筆一笑吾就  
枕短檐啞啞驚禽歸

觸目行

宿遷桃源土不毛清河而下皆洪濤高竇村戶半  
坍塌存者牆趾庭生蒿下河東望浩無際積潦乃  
與天爭遙聞昔邵伯堤壩決掃落不敵天吳驕湖  
漲沒河河倒閘中間弗辨橫堤高眼見田廬肆衝  
突不別貧富齊飄搖淮揚所屬作藪澤一任河伯  
恣貪饕田禾漂蕩倉廩沒妻臥竈下夫出逃洪澤  
水溢憊已甚黃流况乃乘其涸目下雖覺漸平落  
尚存餘漲迴霜郊前已截漕四十萬川湖米石來

輕舠 皇仁佇見浹萬室廟堂壁畫中常焦我昨  
試竣歸謁 帝諮諏纖屑綜鎔豪芻蕘剖析念蓬  
戶蹙頰知厪 天心勞披嗽千語動深愧禦水無  
術臣鬱陶 聖衷憂惻有如此當軸何以生衡茅  
天災原非力可塞人事須慰哀鴻曹仁恩如海民  
弗及費而不惠空嗷嗷豈必官吏肆吞噉偏全極  
次分纖毫我歷徐淮逮高寶幸無民蠹來喧囂坐  
知大吏善籌畫斯事奚必余代庖但念災黎恤生  
命觸目未免中忉忉敢因所見道余意作歌聊當

陳風謠

舟行朝次淮上

水宿如安居夢回聞盪漿披衣適偶然  
奉帷得心賞晨霧迷清淮輕風動鳥榜  
仰辨孤旭昇稍見朝霞上荒墟沉濕煙  
汀樹發寒響園野涵青蒼空水資滉漾  
迢遞來漁謳兀坐懷吾黨

晚次維揚

燈火麗華甸繁星動高閣孤棹轉寒流  
晚下蕪城郭草沒雷塘煙秋老平山約  
暗水明層樓繁華不

可作不見昔人悲但聞生者樂一枝聊棲巢萬貫  
勝騎鶴得酒且歡喜後此誰斟酌慨嘆哀人生迴  
風聚寒籜

瓜步

渚禽喧蘆洲遙汀曠清曙就枕猶燕城夢醒忽瓜  
步白霧靜空江殘星墮寒戍孤島明浮嵐霜鐘斷  
晨渡日上京口雲月落廣陵樹平生眷退曠卽事  
展良晤扁舟聊泝洄江山自朝暮不見昔遊人暫  
向煙中住

大風渡江

輕舟泝大江東望何滔滔遙空壓煙水白日忽已  
高飛閣麗層闕竦峙瞻金焦霜飈吹驚波萬派聲  
噉嘈洶濤肆蕩滂瀉風水相呼號悵望擴胸臆安危  
隨所遭凌險豁奇觀快意歸吾曹窮經老戶牖遜  
彼鄉里豪偃蹇終恒途不若乘風濤

渡江望金山放歌

我行五嶽歷其四翠巘丹屏湧平地茲山窟宅誰  
經營竦峙波心炫金翠朝江暮江濤不窮珠宮梵

宇江當中晨暉夕秀光磨銅面面寫出青芙蓉芙蓉  
蓉蒼翠丹樓紅香煙澹沲紆輕虹窮崖羅植皆喬  
松蔦蘿下垂驚魚龍霧鬢螺髻黛色濃晞髮朝入  
馮夷宮鏡中一一如其容丹黃紫翠窺覘同玉盤  
夜挂澂江空驪珠點滴莓苔封昨日今日天風生  
波紋如縠縱而橫飄搖石筍如欲行飛薨動盪僧  
徒驚玉皇之吏來神京翱翔寥廓下太清臥吹簫  
管聲沉冥蛟龍雜遝紛吾迎江神出沒鞭長鯨濤  
頭打山山不平繡栢雕楹渾相傾金光磨盪波層

層崇臺玉闕交迴縈咄哉所覩真不恆方壺圓嶠  
得未曾得非浮邱洪崖所經住夜拔海島飛來成  
鷲鷓鷓鷓輕雲輕鶴鶴白鳥相飛鳴毋乃王喬之  
所乘招搖五嶽遨滄溟不然恐是遼東丁學仙得  
仙遊仙薨塚中郭景純遺蛻留空名蓬萊瑤草千  
回榮鱗波終古環飛楹靈妃不見余長征雲梯萬  
丈誰能登蜉蝣龜鶴隨所經吾生不化愁吾情何  
年折桂凌紫庭雙眸洗滌須中冷

京口待潮繫舟北固山下



水國多晝陰輕霏散空宇維舟候暮潮孤帆落前  
渚北風生薄寒青山動孤淑天盡海門煙雁下蘆  
洲雨殘霧滿空江臥聽舟人語

北固絕頂眺望

鐵甕城高落木荒支筇北顧一迴腸天容帶雨連  
空沒日氣沉波到海黃客足祗今歸汗漫江聲終  
古慟興亡傷心龍虎皆銷歇薄暮風吹髻有霜

夕泊梁谿

柔艣緣歸流卸帆及清晝遠色忽已暝霜空吐寒

宿漸失煙中村稍轉林間岫斷岸靜芳塵披襟擊  
夕秀微風遠鐘得片月孤篷就卽目懷佳人閒情  
付醇酎

舟中望惠山

暄陽暖晴波眺矚邁清晏林際浮虛嵐空翠落芳  
甸薄霏靜復作輕彩動猶綉晴輝遍墟落草木豁  
菁蒨煙濃黛岫重峰斷孤雲戀斜光散夕麗叢薄  
餘霞倩淡靄乍迴合紫綠忽開變日落懷山樵曠  
望如可見微尙儻獲敦好及維舟便

卜居西齋

旅塗倦三陟弭節欣幽居觀此閑房清悠然得我  
廬羅戶徑窈窕映基花扶蘇寒楫澹晚風可以讀  
我書竹苞脫葱蒨池影涵空虛日暮天色佳披衣  
臨前除稍就池上酌時曳花間鋤孤情締物妙魚  
鳥樂有餘卽目繕吾性無事遊皇初

澄江園池眺矚

驚鱗樂深藻倦羽歡重林翱翔旣慨昔棲遲方美  
今暄晷發陽澤嘉晝陶春心閒館愜豐豫岑園曠

招尋荒亭俯青嶠遙樹枕碧潯游儵綠蒲動喬木  
佳禽吟徑幽眇架阻岫古眷登臨苔石滑窘步密  
篠青縈襟風動池上樹煙澹天邊岑日色遠林薄  
雲影空江陰久客契靜旨展眺空囂忱作者亦以  
徂游者誰復任孤賞發遙思元感嗟浮沉

院齋晨起

眾禽散簷隙澹白開遠天僮起掃落木槭槭驚我  
眠飭服罷盥濯緩步東廂前仰視風色佳空林歇  
殘煙塵牘乏紛務飲食中悠然竹樹動幽影芹藻

翻輕漣久勞眷閑寂欲鼓契無絃忽念農家流食  
力勞陌阡晏坐拋居諸何以籌無年無事飽終日  
此道非聖賢感懷慕往哲匡坐披陳編

春申君墓懷古

海門雲起日不紅江樓大鼓號顛風老鴉夜笑碧  
火出靈飈萬丈沉幽宮蘚斑剝蝕斷龜足霜株拳  
屈穿沙蟲馬鬣三尺不得見但趨佛座窺潛蹤虛  
檐古瓦晝暝晦傳芭難假神巫通啟疆江介并吳  
服執珪坐擁兼城封珠履良辰集上客文采照曜

江淮東魁綱獨柄閱重紀顧盼誰足侔尊雄爲國  
本計重嗣續此事豈得居奇功失期白狀露機械  
彼鬼蜮技疇能窮以色售人賣骨肉斯輩安可輸  
誠衷泠泠七絃鼓深夜大事去矣中徒忡及身得  
國亦前定婦言奚足搖吾中與人家國計榮利豎  
子真不如奴傭啣媒婢妾奪君祚椒蘭拭刃爰書  
同幸逃顯僂盜國柄亂臣豈免討與攻長蛇繞足  
不知死嗟哉愚乃猶童蒙陰柔蓄險意叵測渠以  
軟弱藏兵鋒秉權正位計亦急籌策但可延殮饗

二行 一 卷之三  
三三  
彼奚至此棄勿道與僕善者寧皆忠重牆夾棘布  
心腹湛盧悔不剗園胸棘門一擲碧血濺十七日  
耳何匆匆江流呼洵弔陳蹟苔砌倚遍蒼髯松張  
豈待兔俛導虎腸迴往事心惺忪沙光動盪日墮  
地僧雛來撞昏天鐘

燕居雜詩

軌運有代謝寒律更平芳春凝霜被蘭畹飛蘂零  
緇塵幽崖動陽煦肅肅桃李新枯澤何異態衰盛  
各有辰松柏豈不嘉特立標霜晨常恐斧斤來亦

或摧爲薪

太始開萬象日月相乘除嘉辰改寒律奄忽芳歲  
徂人事或變易時運何常殊暄風布暖澤元氣回  
其初飲酒歌康樂卽事歡有餘居人樂新節哲士  
悲舊塗試看桃李花猶是前根株

中園有嘉木掩映閑庭陰亦以幽鳥來贈我以好  
音密葉如空山復鮮虞羅侵玄冬闕陽澤茲樹何  
陰森自緣地氣暖豈爲棲微禽微禽偶然得亦復

無前心



大谷山堂集

卷五

五

高樓臨桂樹，枝葉胡相樛。明月有時上，交影橫衾  
裯。涼颼動虛籟，清絕亦可愁。坐懷天上香，歎息非  
商秋。

晨起坐靜舍，初日在我牀。林鳥暄晴暉，啟牖延天  
光。際此天日嘉，擘衣趨東堂。東堂有玉琴，朱絙雲  
霞章。一彈生松風，再彈來鳳凰。鳳凰何噉噉，松風  
亦悲涼。

芳蘭歇幽谷，不芳具芳性。豈伊畏霜霰，天方布冬  
令。巖壑迴春榮，孤芬動遐聽。生本非爲人，不言亦

何病

幽竹何搖搖輕颺偶然度本不縈藤蘿獨立亦何懼鉛葩炫繁英穠華歇朝暮兔絲凋晚秋弱葛亦難附弗礙桃李容零露勞相妬日暮天色寒願影得嘉趣植體亦已長漂泊非吾慮

青芝生洞房秀色縈衣巾坐無十五絃歎息勞我神葎蒹雜蘭蒞寂寞長江濱見少識亦難或謂非宜珍日暮洪崖來采采當芳春作歌叶琴瑟元聲動八垠揮手獻紫庭瑞儷鳳與麟繁華不爾羨而

喜離垢氛

孤鴛翔中塘羽翼何離披沙漠多巖颺將子游清池  
暄波蕩春綠朱華冒輕漪棲息豈弗良抱此無侶悲  
無侶亦可休誰復同我饑日月忽已邁逢者知爲誰  
哀鳴懷故儔日夕長相思

繁英驚歲暮兀坐中怱怱拔劍出郭門仰視蒼天  
高平野連滄波落木聲飄騷清霜明草根野獸呼  
其曹跋馬馳高原日澹風颺颺張弦狡兔沒抽矢  
驚麇逃豈必在有獲顧盼聊自豪

鴉鵲行

庭階老松初日照居士梳頭衆雀鬧上枝啞啞老  
鴉叫楂楂喜鵲下枝噪喜鵲報喜鴉報憂聞鵲歡  
喜聞鴉愁目前憂喜尙未見衆之附和良可羞吉  
則元吉凶曰悔厥端並見吾不解喜賞喜鵲憂賞  
鴉空言悞我惟汝罪僮僕怒鴉來打鴉鴉遭僕打  
飛啞啞惡聲不至理亦得奈何鵲入東隣家呼僕  
入室女莫打耳食豈足分町畦爾不見烏生八九  
子毛羽長成東西飛中堂有粟顆粒肥脚來飼烏

鳥不饑昨夕風搖鵲巢落老鵲尋巢叫小鵲小鵲  
高飛散叢薄

大雅堂蒲桃樹歌和陳生

幽庭炎夏清無暑朝陰暮陰黑雲吐橫枝直枝瘦  
蛟舞轟霆夜半掀空天陳生下筆驅風雨攜棹歸  
當仲夏初花霏玉屑裁瓊琚空憶殷鮮薦瑪瑙但  
縈薜荔編龍鬚老榦枝撐閱人代苔逕蟠拏謝儕  
輩材大根移博望來數奇坐等將軍廢我聞孤高  
百尺龍門桐新甫有栢徂徠松萬牛迴首移仙闕

千厦瞻雲建閼宮此樹礮礪將毋同陰氛合沓東  
牆東千盤已布垂穹勢半畝猶施蔭物功酒酣薄  
暮虛檐臥紅豆離離綴千箇結實徒療虺蝮饑作  
花不救鳳凰餓輪困鬱曲胡爲哉陰庭日落悲風  
迴但將青蓋垂朱夏不作濃霞鬱綠杯黃麟赤雁  
收殊域目斷明堂天馬來

人日園中亭上

入歲動七日天氣陶暄嘉晏坐閑庭空日影忽已  
過心靜更無事所獲卽此多緩步嬉春陽天暖心

氣和亦有好友生暇日相吟哦攜手來空亭藹藹  
春暉賒晴光迴綠渚霽景移凋柯黃鳥竹上鳴客  
至驚婆娑飛飛入叢薄倏各歸其窠我樂爾所樂  
我豈惟爾羅慨世用機心遂令真者訛穆然念皇  
古佇立徒吁嗟

古詩四章喜王琴德過

瑤葩麗雕榭春颺扇崇蘭美人絃服坐瑤瑟聊獨  
彈朱絃靜理蘊遠調清徽完音希闕苦意闔戶資  
幽歡殊響繁夜叢泠泠曲就殘綜往兼慮來引領

起微歎願折珊瑚枝持謝知音難

之子亦何好窈窕光容儀落葉朝翩翩手持瓊樹  
枝翠璫飾珠珮翔步臨前墀噓蘭拭洞簾不惜勞  
空闈明月來廣除曲斷無人吹含睇稍延佇我願  
神爲移曲調盍不嘉白日方西馳努力愛景光崇  
德爲子期

暄風被陽林巖構榮丹葩蘭芷及荃蕙郁郁回春  
華輕颺發芳艷孤秀凌朱霞太古忽已遙入耳皆  
滛哇不悲元音遠坐患流無涯斯人詣瀆古指摘



勞相加願製芰荷衣怡子以清嘉

鳳階企晉諸子

元音逝已久瓦缶空陳陳哀哉枯桐枝俯首同殘  
薪大雅出晚世古意陶天真靜參瀟悶趣援手扶  
奔輪沉光秘元訣和性噓芳春斯人亦已然此曲  
何難申咫尺獨緘憶悵望勞嘉辰

謂沈宗伯

大雅堂讌歌

諸公擊節吾其歌有生不樂如生何今我與子髮  
不皤霜華有日頭顱多行樂以酒亦從俗偶一中  
之非刺促酒熱傷手冷傷唇冷熱相均味已足燈

紅酒綠月光白浮生冉冉君須惜若遇良辰思故鄉子固可嗟我亦客髯翁短簿皆嘉賓錢郎初至亦可親槎枒透露出芒角不醉未必肯語人醒眼觀醉醉無狀辭意支離體頽放若爲觀者就拘縛我心如擣何由暢君不見春申君昔何磊落今無聞劉伶作頌頌酒德死饒狐兔眠荒墳當其在時豈不樂至今骨朽江之濬世間萬事亦何定慮在方來今已病吁嗟乎有酒不飲盍非愚君不見眼中二子今已無

使歸自北得都下信

違都倏兩月節變餘光徂兀坐懷弟昆風雪相與  
俱陽鳥悲天寒冰凍河無魚今晨鵲噪檐忽得年  
前書兄弟各無事稚子皆安居昔我蓬池遊發軔  
三月餘方春伯子亡令姊忽已無此別隔年歲親  
故知何如客久閱世熟我彌愛我軀逝當力餐食  
君亦長歡娛

大谷山堂集卷五

大谷山堂集卷六

謝山夢 麟文子

夜坐圍池

月出臨廣池人影動空碧松際隱清光林罅露微  
白風交樹影橫鐘定空園夕念彼前居人悵望知  
何益墜葉散青苔時見幽人迹

夜歸西齋

入院聞妙香夜棹澹風砌偃臥開予襟向晚蓬門  
閉澄輝明夜窗片月生松際遙見風中枝漸向窗

間逝

古詩三章寄錢師

喬柯墜繁露潤逮隴上苗膏澤良自天蔭息終嘗  
邀春暄發土脉芳畹滋申椒可憐幽蘭葩寂寞寒  
江臯寧弗畏霜雪雨露知非遙逝當愛春暉藉以  
酬長條

寂士撫清絃仙客調鸞笙玄感發靈籟惜未哀人  
生夫子契古道揮絃振天聲靜叶天地撰細齊民  
物情廣庭帝有喜被廟神是聽賤子步高律毋乃

鷓鴣鳴徹吟慕元化亦復中和平

騷裏如可識伯樂胡見思奮踠馳橫門彌憶哀鳴  
時俯首就凡軌或以惡馬訾哲人見歎息一顧悲  
吾饑從戎力健步畏辱君子知浮雲東南來悵望  
中難持含情睇天半白日子心悲願奉王喬丹永  
駐洪崖姿

鳴鴟行

正月廿七怪鴟鳴我房不哭而笑飛且翔強弓硬  
弩不乘便譁譁出出吁汝狂人云鬼伯使之促人

命或哭或笑丁者殃驅逐魂魄就泉壤如禽竄網  
駒隨韁我命在天豈汝懼但念老奴腹疾恐遂當  
惡聲到耳轉惆悵我心憂矣中皇皇後三日夜鳴  
更急羣若其舊疾者康我求厥故厯堂庶維庭之  
栢鳴所藏思以火攻滅其眾烈焰不到千丈強不  
則覆巢斫所托巨植坐壤籌非臧巡檐仰盼倚庭  
樹厥聲啞啞來空箱羣鳴搏擊負者走且飛且叫  
揚其吭我聞則笑彼則哭痛其所痛奔踉蹌疾病  
呼叫理亦得豈爲聞者徵災祥若緣見少遂多怪

彼鷓之口誰能防方言呪誦亦無謂  
鶴鳩鳩鵬紛難禳鳳凰憇息九重閣  
聖人敷化垂無疆州十有二國千八峒  
獠獠獠氏戎羌雕題鑿齒繡肢體竄  
伏巖洞時跳梁鳩形鵠面吁可怪鳩舌  
笑必皆無良以指喻指執耳食偶焉值  
者奚徬徨若梟出巢食母肉弓弩從事  
無使饒逋亡

長歌喜徐大快亭至飲酒作

黑風吹海聲如虓大江千里無征艘  
東溟漁人棹船至君從何處橫輕舸  
闖吏傳刺我方食投箸而



起羹沾袍積悃蝟集忽相晤如背痒得麻姑搔坐  
君琉璃四面閣飲君碧玉千春醪轟飲大嚼盼左  
右卮蝸琥珀盤堆蝟青眼高歌望吾子苟橫空全  
起騷人騷男兒不佩斗大印便當去作鄉里豪不  
然肆志憩泉石空庭佳植羅椽櫺丈夫舉事貴快  
意譬若鷹鷲離鞬條嗟君簿領賦塵積五年作吏  
東蒙凹科條朝布吏役雜錢賦暮比鞭箠敲有時  
大吏出行部前驅負弩馳如獠掃治館舍索酒食  
人奴口角饒訾訾挂冠歸無宅五畝出奏厯有途

千遭伯道無兒伯夷餓爰書判斷須咎繇羈留歷  
下月再閱叩門弗應吁勞勞酸風夜吼馬毛縮洵  
波凍合浮槎膠衣裳破做行李乏每念及子中焉  
切心游道塗計月日飛觴寧敢期今宵歎君跋涉  
喜君到杏嗟叫笑兼呼呶窗紅蓋綠燭生蕊鱗鱗  
碧酒金波搖更籌屢易檐烏宿戟門撾鼓萼萼高  
開簾起視雪在地霜空片月圓松梢

襄勤大司馬視師江上走筆作歌

海門百里號顛風雲飛濤湧天蒼蒼旌幢朝閃轟

牙纛大旗獵獵翻青紅騰裝裹甲戒中夜焱興霧  
塞東城東後隊材官耀組練顏行猛士驅熊熊檠  
戟隊盡駐文鞞豁然耳目除矇聾攬袖一笑顧顏  
色兩顴突兀肌膚豐離憂鬱結塞腸胃覲面忽乃  
辭之窮寒暄甫罷促車騎欲傾私悃須畢公俄聞  
萬籟起澎湃轟霆飛礮掀高穹千軍呼洶山動盪  
七校搏擊濤撞舂甲士統弁弁統將戈鋌矛戟敲  
金銅指麾初定畫若卦若雲倏變蜷如龍鏑飛利  
鏃曳十石場開千步馳風驟鉤陳玄武燦藻繪電

光霞彩陽輪中登壇黜陟軍吏伏我罪而罪功而  
功鞭箠撻伐奮威武師出以律維予宗遣吏攀轅  
及初暇中道半日吾能供閒庭曲几列樽榼要須  
快語抽銛鋒飄萍飛藿那可定竭來有似春秋鴻  
辛未梁郊間言笑時維九月霜凋楓隔年命价赴  
歷下瑤華遠寄勞緘封厥歲秋初作歸計傷哉殄  
禍丁吾躬郵筒惠我失裁荅鰥魚夜哭予非慵神  
昏簿書困酬酢如馬于絡禽于罾去冬十月辭  
陛下海崖江汜褰裳逢剛鋒利刃互鏗擊粗砂巨

石相磨礪丈夫立身貴磊落語言容色誰能工獨  
開懷抱刈藤葛使君天下真英雄九疑之山百折  
阪片言何術開予胸嗟我輪蹄值初息三月又挂  
淞江篷秦淮鼓櫂約長夏薰風正見扶疲癯但願  
年歲好風景露雷雨澤恩施隆春作秋成伏螟螣  
洪河安瀆江湖同億萬兆姓慶溫飽酣歌鼓腹周  
黃童二千石各法召杜橫經負耒游熙雍朋儕結  
納盡忠厚走忘網罟飛忘弓我輩殷勤樂晨夕何  
妨飽喫江南菘嗚呼何妨飽喫江南菘

院齋絕句

石上蒼苔繡作花  
戟門鼓靜罷朝衙  
杖藜翻得山人樣  
蟹眼松風學煮茶

杏苞紅吐柳抽黃  
板屋松檐晝漏長  
僕本于人無所乞  
鶯花色色仗東皇

十日東君放快晴  
野簫土鼓鬧春耕  
紙鳶風起江城暖  
曳履空廊聽賣錫

偶一中之聊復爾  
冷然善也忘其餘  
閒添鵲腦下簾押  
跂足竹牀緡道書

春柳四首

羈愁離緒總依依  
眺遠登高心事違  
幾樹暮烟吹欲散  
一時殘夢喚應非  
草青陌上王孫去  
頭白江南燕子歸  
好向輪臺自收拾  
玉關人未著春衣  
何處濃春景最酣  
一鞭晴指漢江南  
青旗風煖人攜棹  
板渚波生客駐驂  
關塞夢中猶裊裊  
短長亭畔莫參參  
朝來淚盡紅橋酒  
願影攀條總不堪  
杏蕊桃枝相映紅  
絲絲晴影畫欄東  
隋堤艷舞三春雪  
南浦花飛一笛風  
至竟客歸芳草外  
當年誰

在夕陽中班騅好認章臺路幾樹依依與昔同  
宋苑唐宮蹟已陳石頭城外可憐春飄殘笛步留  
斜影舞入青溪起斷塵半樹尙餘司馬歎一枝可  
憶灞橋身遊絲絡絮憑誰惜無限高樓垂手人

春日八西園四十韵

軒窗洞豁凌江潭君山後矗形耽耽自冬徂春悵  
寥寂愁端羈緒縈春蠶使院院宇頗幽邃曲廊靜  
室疑精藍梅花繞屋石當戶西園况許幽人探玄  
冬極目但蕭槭林空木瘦池如泔西齋枯坐六十



日眼前栢子吾須參花朝曹騰忽已過軟風酥雨  
煩追諳今晨啟戶燕泥墮隔簾欵語聞呢喃銅鉦  
挂樹色妍媚晴暉著面神醺酣東閣晝臥屏紛務  
芸編蠹簡窮搜婪野花被穢蜂蝶鬧春光坐老吾  
何堪名園咫尺隔庭院折錯淨椀呼僮擔況有良  
朋共調笑陳生王子予而三啟扉縱目意有觸緣  
塘曳屐中忘憒棕皮亭榭竹依檻黃茅屋子苔爲  
龕右袒跂足展遐眺江烟林靄飄虛嵐圍牆老樹  
近百本楸梧檜栢松杉楠杏苞未坼細於豆草芽

漸茁抽如簪柳絲潑眼綴輕碧長條但未垂穆穆  
荒灣角轉樹梢曲方池影倒春空涵蘚生磴道漬  
鮮潤風交梅萼迴清飈園林幾日未投足新恩坐  
受東皇覃撥刺遊儵宵蘋藻薊林迢遞聞優曇耳  
謀目謀眷煙水心輯心懌忘嗔貪幽尋結隊愜佳  
況攬勝何事與編籃人生聰明坐勞苦風塵奔走  
拋昆男置身閒地乏紛擾得少佳趣緣吾慙偏仄  
毋乃蟲處禪岑寂有似僧歸庵讀破萬卷不得意  
穿穴何異書中蟬攜囊戒僕臥江上子猶淪落予

其慙當風頗憶伯倫頌抵掌時作鄒生談妙語林  
間發精諦快辨舌本抽銛鐔天無纖翳豁懷抱茶  
過七椀餘芳甘豈必熏蒸飽吞嶮山泉活火勝沉  
醑澆愁破悶散幽疾清歌但少聽何戡芳春幾日  
更東去弭節要過虞山南歸來約計在秋半芙蓉  
菊蕊良所耽但恐浮縱泛萍梗知復何處停征驂  
佳境倘能遂留滯曠懷豈爲風塵滄光福楊梅洞  
庭橘楓間爲爾分黃柑

長歌贈陳生宗達

陳生豪氣不可當，軀幹雖小筆力強。馳騁壁壘厲  
鋌刃，淋漓寶墨花煌煌。興酣和我入圍作，敲鏗戛  
擊摧琳琅。攻強押險力排異，擲筆呼酒何昂藏。翠  
羽金支互輝映，琪葩瑤草交芬芳。積健于骨字出  
力，此見最確非騎牆。口角流沫唾壺缺，君爲褒得  
中。洋洋十載翺翔歷，詞囿流傳派別知。頗詳卿雲  
復，且肇胎胚維風雅。頌枝條昌殿庭，郊廟格典重  
鎔精樹骨恢洪綱。妃豨伊那缺完簡，編摩纂集偷  
邊傍。披陳忠孝鑄靈府，心聲激蕩盜拋荒。武夫豈

會肆音韻拔山蓋世慨以慷述情怡悵洞洵隔老  
嫗稚子胥毛萇欲外倫常覓超詣譬以蕘稗充倉  
箱開元李杜擅標則爛若斗極天中央昌黎後起  
態稍變語奇句重森寒芒北地信陽軼前代排擊  
至弗容遮防吹癥索瘧置狴犴彼哉無恥愚而狂  
掀騰萬派湧真氣輓近奚必皆尋常融情範性企  
溘古陶韋沿溯招河梁瓊枝玉樹務雕飾婉麗但  
可娛嬾嬾宗彝雞雖爍精彩黝然煥發非浮光揮  
斥八極就繩墨法隨言立堂哉皇慨自元音日凋

喪乃以箏笛滄笙簧春撞鐘鼓叶琴瑟斯道豈以  
浮澆將摘挾雲露失真宰華蟲藻繪咸秣稔濫觴  
排比學酬酢如人值虎茲其俛鷓鴣斥鷃競鳴聒  
遂令終古無鸞鳳歎雲寶鼎笑陳舊嗟哉何至千  
人盲歸愚老人沈宗伯浸淫卷軸鋪雲肪采蘭餐  
菊擷英秀咀涵齒頰迴甘香軼塵孤往奮仙翮近  
今豪傑王芥子與桑張甫來殷曹仁虎鳳階王鳴盛迄  
琴德王翹盤拏變滅龍騰驤生復天矯出流輩勁力  
搏掞探純鋼重城峻闕恣去蹂躪當車可笑千蟻

蜨黃緣途軌發元感無言文字超軒黃拈花一笑  
秘眞諦偶然拾得參空王我本無力追正始千春  
引領徒相望傷今憶古抱愁疾刺刺不覺言之長  
高歌放眼睇天末危樓日落煙蒼茫

園中春色麗甚觸懷爲詩

日麗風酣聽鶴鈴閒拖方竹出空庭官人可笑不  
官樣轉過松廊都眼青

江干幾日雨如膏紅綻檐牙綠上袍憑謝東皇好  
風力吹開三十樹緋桃

可惱顛風吹落梅狂夫三日爲花哀清緣卻喜不  
曾斷牆角玉蘭如手開

香煖煙鼓蝴蝶飛輕黃渲染柳芽肥眼前風景好  
如此何事王孫不憶歸

點綴底須風日力芳華終荷彼蒼恩閒園三日一  
攜杖紫艷紅稀是者番

和煙煦日滿方塘綠草晴薰暖翠香山鳥翩翩魚  
撥刺個中飛出數鴛鴦

又到嬉春中酒時苔青幽院捲簾遲花前一事關



情甚覆盜門東賣酒旗

芳園佳樹語流鶯春靄春山色色明似酒軟風吹  
欲臥天邊又落紙鶯聲

何處看花眼不新花開如意謝花神紅酣綠膩滿  
腸胃墨瀋紙光都帶春

拄笏空亭日欲斜林光池影映烏紗黃蜂紫蝶入  
牆去一帶綠楊歸晚鴉

獨坐列岫亭懷吳企晉

和氣噓蘭心芳煙澹空色獨客陶嘉辰荒庭稍游

息亭午花氣濃羣艷競雕飾飛霜亦已遠好景忻  
初卽冬去春復還展眺情何極竹靜微風知林轉  
遙岑得日暖君山南雲去空江北輾轉懷佳人長  
天獨緘憶

擬陶徵君田居

俯仰樂天地及此芳春時我居旣云安我稼行當  
治屈節廢耕作筋力毋乃疲安坐祈豐年啼饑嗟  
何遲夜來春雨嘉攜杖過東菑我苗忽已長好風  
披拂之今年或有秋人事毋中衰念彼耦耕人千

大谷山堂集

卷六

三

載良吾師力田屏紛務乖異無相隨牽衣眷稚子  
畢景歸怡怡頽然酌醇酒保此長年期

擬韋蘇州寄友

端居歲云徂密雪灑幽館啟戶夜鐘寒墜葉空墜  
滿緬彼車輪遙衣帶至今緩把酒望空江臨風布  
深欸

出郊

齋居厭局促崇阪披遐觀夜色歇鼓薄水竹留輕  
寒迴溪帶遙戍芳陌依修巒逕轉逐新覲沿紆天

宇寬春風幾日來柔荑被江干波光澹天際野靄  
浮林端或見荷鋤人驅犢緣春湍時哉意有觸逝  
者憂無歡裴徊佇煙樹仰睇孤飛翰

夢游縹緲峰歌

縹緲峰獨立具區煙靄微茫之當中波饗浪嗜山  
根空青天擎出萬歲不老之芙蓉鸞驂鶴駕來青  
童輒欲引去邀元穹蓬萊瀛洲望不到但有碧霞  
絳氣繚繞神仙宮酒酣夜臥芙蓉國魂逐江流眺  
江月震澤三萬六千頃一片瑠璃遠明滅明滅變

沒雲濤是非海若盪槩冰夷解維淼滄遐鷺金光  
倒披舟平浪蹙波昂岫低羣靈夜遊金支翠旗玄  
鶴影落海蚌月開龍威毛公之屬招搖以並下青  
蚪素螭恂怛而交廻颿檣風利不得駐送我直去  
凌丹梯丹梯矗空幾千丈纔出波心便天上洶濤  
漱擊山靈驚顧影虛無搖滉漾玉柱竦峙金庭霧  
紛珠斗拂袖玉兔伺人海日倒出雲綿布勢繁星  
錯彈雪濤沸盆遊氛動趾浮光盪身危巒飄忽浮  
天津舉手捫天拂天闔雲瓊琅琅驚潛鱗罡風靈

籟虛空聞鈞天夜奏開重闔天雞仙犬遨遊以鳴  
叫流飈冉冉便欲扶我乘飛雲冷然麾袖昇丹輪  
縈襟拂帶交流霧羨門高誓紛吾賓瑤車馳突嬉  
清旻鏗鏘虎瑟嘘龍唇青霄抗手辭八垠御空逝  
與邱崖羣下視玉盤一片墮水底動搖偃仰如欲  
沉齋齋月落空江臥江野虛檐悅聽飛流瀉圓嶠  
方壺本素期曠懷豈爲風塵下夢斷仙巖憶列仙  
我何爲是栖栖者

李伯時畫馬歌

嗚呼人世俗手畫馬直似馬絕地超光一朝假寫  
真無能更惡狀入龍夜哭沙邱下李侯畫馬無馬  
存尺縑颯遶風沙昏眼大如箕氣如海風驟入腕  
權奇奔筆軒墨昂龍性出一雪萬代驂騮寃依稀  
沙苑春風暖斷磧煙濃草芽短汧渭波融苜蓿青  
華清日麗蒲桃晚此時圍人牧馬出玉埒金柑馳  
不管脫略拘攣逸態翻騫騰直與煙霄遠一馬臥  
崇坂一馬嬉遙岡一馬嚙草頽馬韁低唇就草蹄  
不昂似聞齒決流沙旁數匹奔泉競馳突或跂健

足神騰驤毛髮精芒出真氣一一紙上森開張懸  
知下筆眼如虎房駟無光夜飛雨以身入馬極馬  
狀豈惟無馬兼無覩任大何勞奮踈爭姿雄時閱  
英颺吐持出中堂滿市驚十萬霜蹄浩無主李侯  
才傑真人雄盡搜神駿傳圖中如今卽或歎沙汗  
血之驥難長逢披圖猶獲瞻其風雲騅感激應與  
孫陽同不然俗手塗抹空滿壁照夜奔霄反駑劣  
欲見乘黃那可得滿足荒臺哭馬骨

馬伏波銅鼓歌爲吳企晉作



土龍鼓腹號腥風波羅大鼓來吳淞  
鼗鼗鼗辨跟肘虎蝥駁蝕丹砂紅金鉦  
絳輓就磨滅馬式僵臥銅駝東

街名在洛陽漢東都

儀帛丁謝不可識誰摹駱越留

炎封蛟涎浸積歆黃霧陰堂夜挂蠻天虹歸雲老

塢一懷古令我矯首心怔忡朱鳶九真肆蹂躪

書夜出明光宮樓船戈船轟幢蓋鈴轅朝插奔豐

隆朱旗彤甲蔽蠻日雷門殷起天懵懵都麓冷縣

一朝盡逕從珠浦趨無功西于龍編建郭郭狄高

賽鼓銷寒烽銘工瘞土鷲獠獠天留銅柱標鴻濛

擊牛醜酒勞將卒當杯數語何從容買胡珠貝議  
蠶起牀前豎子悲梁松眼中突兀那有此土花毒  
涼精輝融豈假金銀扣釵釧似有蜃氣蒸穹窿金  
蛇噏歘蟠電母飛搗菴獵趣雷公兵光晝動海日  
沒招魂欲倩巫咸通城西馬革沒榛莽物猶如此  
憐蓬蹤吳郎對之忘殮養二十八宿羅心胸錦衣  
花帽揮蜀桐援枹對客賡三終酒酣奮臂聲逢逢  
盲颺髣髴迴巴賔陰氛合沓居風濃都羊詩索奔  
倥侗鳶飛跼跼炎煙衝雕戈雪劍相撞春谿蠻峒

虜驚頑聾碎旬豈僅問千弓夔皮百萬翻蒼穹掉  
臂誰敢偏帥攻便當裹甲西從戎霹靂應手馳諸  
兇餓鴟夜叫砂翻蓬飛騰突過曹景宗銅鉦曉挂  
雲臃臃四十萬鼓風齶齶提桴作氣飛黃驄手擒  
冒頓朝真龍孤塗閼氏殲厥從龍庭墟落無堅墉  
歸來盤舞奏瞽矇穹廬粵嶠將毋同鎔金肖石陳  
辟雍逕與此鼓傳無窮千秋誰辨風雌雄郎乎男  
兒安得窮年牀第酣肥醲澤車欵段無春冬不如  
此物真驚庸扣鐔逕按橫磨鋒嗚呼是翁今不逢

擲筆一笑驚軒鴻  
罪言脫口嗟  
忽忽報衙火  
急搥籠銅

江城雜詩

一笑看天地  
高樓眼獨青  
室家仍泛濫  
風雨接滄溟  
稱意憐蝴蝶  
衝愁聽鶻鴿  
親知襍生死  
蹤跡况飄零

逕僻兼多病  
江干好閉門  
雨沉蛛網黑  
雲重海天昏  
坐失芳春色  
頻驚獨客魂  
寒暄真不定  
三月做裘溫

前月好天氣閒園歎病夫孤亭一以眺春色滿平  
蕪草綠空江暖雲開斷岫孤雨風太無賴悵望海  
東隅

修竹勞相伴空堂報雨來開窗閒對石曳屐滑憎  
苔作宦嗟成客吟詩惜費才異鄉兼異節孤士迺  
興哀

荒園

密雨沾筠叢清響亂簷滴積蘚昏庭陰茲焉眷閒  
寂選樹聞交禽流颺颺殘篴惆悵荒園花春去何

人摘

園東小樓眺矚

久雨厭局促初晴意可樂西齋飯已罷聊上池邊  
閣稍歷荒堦苔獨對青山郭遠風移片雲午日明  
紅藥景光自古來前人誰可作

登舟將赴梁谿道間作

澹靄蒙青岑孤篷冒疎雨層波生淺涼獨坐聞柔  
艣溪迴移遠林纜動驚棲羽微辨墟上村漸咽煙  
中鼓出慣離翻難客獨意增楚匪緣逝者悲誰識

生人苦稍與前渡辭  
舉帷睇寒渚江城忽已遙  
孤情眷兒女

舟過虎阜展眺西南諸山

炊烟明晚墟落日在孤塔  
輕舸沿山塘松逕荒邱  
合芳蕙曖修畛暮色生空閭  
長天澄夕暉巖岫層  
霏雜因風辨靈巖  
靄靄嵐光匝鄧尉迄天平  
晚雲互吐納何年攜枯藤  
烹泉坐寒衲流眺舒微吟  
遙艇漁謳荅

登樓望玉峯山寺

塵牘昏清悰兼旬坐廳舍殘旭媚重構瞻矚及初  
暇褰帷啟層寮晚食閒庭罷檐光俯際巒孤翠遙  
窺榭巍闕峨青峯綠樹濃崇架磴轉辨遙紆塗迴  
生遠訝澄霏林外橫歸羽天邊下觸境無故恍展  
懷愜新迓良苗披微風悠然念耕稼眷言思向平  
何時畢昏嫁

吳淞泛舟遂抵雲間

日上九峯道風輕三泖間流水澹無極白雲時出  
山緣念浮家客高風不可攀支頤聽漁唱孤艇放



歌還

雲間使院怪松歌

蒼稜鬱律松非松，狂奔陡折蟠老龍。  
蘚斑剝蝕龜爪角，支持傲骨撐青穹。  
霜柯貼地不盈尺，掉頭東上根沒石。  
幾載看辭斤斧危，終身幸作支離客。  
陰庭森颯濃氛黑，斷根浸漬青銅色。  
元氣知從半樹迴，孤芳未放全軀直。  
驚湍急峽翻空庭，喧豗白晝奔羣精。  
卻怪滿城雷霆風，雨肆轟激翻與鐵。  
榦爭砢訇黃蓋，峰巔昔駐馬。  
漢之三栢巖之下，不惟材

大態本奇坐看萬樹無瀟灑此松偃蹇亦其徒天  
矯不受方隅拘獨橫黛色忝天格留作玄都道士  
圖鎖關日暮陰飈多海風吹斷空牆蘿庭陰畢歲  
無客到標格誰憐夜嘯歌石欄暝色竄蒼鼠孫枝  
埋逕穿青螺松乎松乎汝何不擇萬人屬目之地  
樛條柯此間何異深巖阿不如寒澗結體伴泉石  
青鸞玄鶴猶得時經過如今豈乏求材選勝之客  
窮蒐羅汝無其具應蹉跎人不汝遇徒吁嗟下階  
倚石三摩抄松乎松乎如汝何

叢桂堂玲瓏石歌雲間使院作

蒼巒拔地雲根湧晴翻濃翠虛堂動蛟龍奔突庭  
蒼昏石髮松毛鬱森竦我昔愛山緣愛畫粗皴濃  
抹差識荆關派我今對石渾對山悅疑置身洞庭  
縹緲之峰間鑿鑿何年厲天斧荒唐古貌如見畸  
人袒肩山頭佇朝雲暮雲幾載穿破仇池峰坐使  
透漏天光萬萬古昨夜疾雨飛海東懸崖急溜噴  
平玲瓏凌晨濕翠撲雙闔疎簾清簟三日青濛濛  
紫閣之峰靈鷲石目斷孤標矗天碧愛而不見心

冲冲日暮桐陰空岸幘枉憶驂鸞駕鶴蹤翻憐布  
襪青鞵客當年昇置此地應煩迴萬牛巉巖特立  
無春秋高寒不讓仙人掌孤清合載鬱林舟龍髯  
虎耳胃藤葛碧藍紫綠坐閩童山羞苔堦酌酒拜  
石背礪礪如公復幾輩

古詩二章示王祖錫張策時趙損之兼寄曹

來殷

微尚澹利祿於物無營求自受 天子知終歲懷  
百憂豈繫小人戚所懼業不修逐物昧真宰此道

君子羞况復炫珍貝決擇披琳球取人於吐納焉  
敢狗末流慨世做俗學斥鷃鳴啁啾鈞天奏廣闕  
俗耳嫉若讐千百多庸庸汎濫將焉休生等各矯  
健古籍資冥搜浮囂淨洗滌孤榦標清秋縱目閱  
流輦卓立非常儔惟聖有弗及就將恢遠猷豈曰  
茲譏譏中道而逗遛神駒立西極遠到須驂騑騰  
蹴非無期毋以鹽車愁

鳳皇耀丹苞元鶴翔素雲隱見雖異態厥性皆至  
純蘭蒨豈不嘉蕭艾淆厥芬孤情勵芳德誰不於

彼珍孫陽睠駮駮當塗駭精神不如伏皂下猶得  
藏其身庸人羨榮寵得之則欣欣不知負荷難十  
倍於常倫況彼眾女妬謠詠工笑顰細行露微罅  
排擊生眾紛庸流或幸免不恕非常人滌慮歸至  
潔實主名則賓白鷺寧不白腥羶啄游鱗努力勗  
崇德以全吾本真

晚發雲間舟過天馬峰下

趣塗豁澄霽纖翠沉空林沿紆信歸權向背迷孤  
岑山光暎流水清暉閑我心紺壁絢餘綺夕曜明

沙禽暝色下天際忽忽來青溇彷彿聞疎鐘煙外  
僧樓深迴合遘田舍煙火桑柘陰稍喜紛務釋復  
鮮浮埃侵卽物覲真宰忘我得超尋因風發長喟  
孤懷維道欽

夜過青浦

理棹投暮煙餘暉黯遙巘輕舸尋歸流空波肆怡  
衍野風送香氣皓露滴微泣重疊林景昏微茫峰  
色淺遠火辨孤城隔岸聞亂犬稍別煙墟移漸覲  
雉堞轉華月淡始照流雲蔚初展一與清景俱乍

喜塵惊遣悒悵懷前蹤餘風動深緬

暮抵鹿城舟中展眺

長川澹歸流落日到山縣稍與孤塔轉頗逐微颺  
便展眺城上山竹栢皆可見蒼崖返照明紺宇殘  
籊絢是時澄晚暘禾黍麗芳甸交風被修阪草樹  
豁葱蒨歸雲峰勢引夕麗林暉散天迴飛翰遲鳥  
動新葢亂擊汰凌扁舟遙吟締深眷

婁門放舟將泊胥口

泛舸緣龜城威紆豁吾性清流浮雉堞趨塗得嘉



徑岸斷蒲影分川迴霄光暎漸轉南城切遂獲西  
山勝煙平遠樹兼雲動千峰并清塘數燕斜遙天  
一帆正杳靄辨虛舟披覽迓新靚緬懷澄湖蹤漂  
泊寧云病

食鄂少傅所餉鮮荔枝作歌

南村北村斗指庚盧龍玉乳傳空名大食霜瓢不  
可購松棚燥渴嗟無水矧乃角藝坐炎晝蠻觸突  
起胸中兵苦無沆漑潤芒角黃香誰擘金丸橙戟  
門搥鼓食指動珊瑚萬顆擎金甌曲榼失喜屐齒

折似病酒得銀絲羹冰盤凹凸瑪瑙碎玉餅錯落  
珍珠頰輕紅嫩白暎烏几纍纍絳簇周天星獨舉  
玉蕊擘丹實甘鮮底事團黃晶廉州龍眼作奴隸  
清芬護擬鷄頭兄此中無物聊復爾鼓腹何事愁  
膨脝充腸恨不啖三百瓊漿未許療饑僮天秘奇  
種植嶺嶠入耳厭飫貪先聲薦新採異歷閩海雕  
盤丹顆留芳馨楓亭五月枝綴錦露華高擷仙人  
莖何日支筇鐵船頂倒披青葉筠籠盛至竟傾城  
艷談塵豪奢終古吁華清楊梅盧橘不足道紅塵

飛鞚隨風旌延秋門上夜烏叫麥飯誰爲陳元正  
昭陵石馬汗流血灑西野老悲朱櫻流連珍物動  
深喟峻嶒五嶽當胸生未能免俗溺尤物龍團試  
與鬣仙評蔗漿更酌消內熱涼颺拂拂吹桃笙

胥門伍胥祠

伍相祠堂鎖寂寥層城終古對江潮雲旗風馬當  
宵見畫壁虛檐入夜遙舌劔至今尤宰詔魚腸何  
事誤王寮寄孥鞭墓寒心甚日落關門聽野簫

舟過惠山

歸舟憺無極，偶與名山遘。松蘿媚雲日，爛若簇朝  
繡。苔髮紆遙青，巘嶠鬱深秀。頗似春空佳，遂飲煙  
霞富。冷風交遠樹，微靄下層岫。虛籟生蕭林，繁陰  
肅清晝。沿洄眺杳藹，境轉孤帆就。依微辨蓮宇，清  
泉注寒竇。何當憩石房，攜筇殫窮究。

夜赴澄江

川涂屢回鶩，輾轉眺明月。微颺生斷崖，清響散林  
樾。竹香深夜聞，波靜舟人歇。雞鳴知近喧，遠寺微  
鐘發。

題姜香巖梅冊

涼月散清影  
暗香汎孤榭  
微風動遙枝  
稍向空櫺  
下黯黯相思人  
迢迢坐良夜

歸憇澄江與諸子重過西園作

游巡踰兩月  
夢寐懷西園  
豈緣眷佚逸  
念彼草木  
繁華滋茂時  
育柯條荷天恩  
或恐羣兒頑  
嬉戲傷其根  
戕折拂生意  
何以還初元  
歸來稍遊歷  
觸目無故存  
籬落被新卉  
芳蕩散雞豚  
榆柳蔽茅舍  
眾綠忽以蕃  
院靜人響絕  
林莽惟鳥喧  
虛亭納野色

亂蟲鳴近昏好風東南來坐閱衣袖翻晚林吐新  
鵲池沼溜清痕百物各安好吾徒道自尊況有好  
友生相對無俗言悠然滌塵慮暫喜超籠樊

登君山元武閣瞻矚江野

孤高闕鳥背傑閣危峰椒陰厓插飛桷洞戶凌風  
焱大江西北來觸壁閣動搖無風波浪湧連山奔  
崩濤北岸辨高塔微樹浮煙霄東下何茫茫奔突  
無昏朝海門僅咫尺一綫煙痕高恍惚金銀臺凌  
空排丹寮欲歛納大漠九點分鎰毫落日江流黃

天澹風蕭騷，鷺鷥間鷓鴣。  
萬籟鳴喧嘈，浮雲逐陽鳥。  
朔氣盤霜鵬，西望松寥山。  
麾手如可招，引領叫閭闔。  
警效驚黿鼉，哀哉春申君。  
遺恨征波遙，杜劉豈不達。  
地下誰能逃，何當憇方丈。  
海上浮煙舸。

大谷山堂集卷六